

რედაქცია: სოლოლაკზე, ბაღის ქუჩაზე, ბ. შადინოვის სახლში, № 33.

ხელის-მოწერა მიიღება რედაქციაში. ბარეზე მცხოვრებთათვის: Въ Тифлисъ. Въ редакцію „Дროზა“.

გაზეთის ვასი: მთელის წლისა—8 მ., ნახევარ წლისა—5 მ., სამის თვის—3 მ., ერთის თვისა—1 მ.

ცალკე ნომერი ღირს შაურად.

დროება

უკველ დღე ორშაბათს გარდა

ვასი განცხადებისათვის

ერთ ასოზე 1 კაპ., ჩვეულებრივის ციფროთი—5 კაპ., პატარათი—4 კაპ.

რედაქციას უფლება აქვს გაასწოროს და შეამოკლოს დასაბეჭდად გამოგზავნილი სტატიები. დაუბეჭდელი სტატიები ავტორს არ დაუბრუნდება.

ცალკე ნომერი ღირს შაურად.

მომავალ 1880 წელს

„დროება“-„ივერიის“

გამოსემაჟედ

მომავალ 1880 წლის 1 იანვრიდან გაზეთი „დროება“ და ჟურნალი „ივერია“ შეერთდებიან და იყოლიებენ ერთსა-და-იმადვე საერთო რედაქციას, რომელიც შესდგება ამ ორივე ჟურნალ-გაზეთის აწინდელ რედაქციებისაგან და თანამშრომლებისაგან.

გაზეთი „დროება“ გამოვა ყოველ დღე, როგორც აქამომდე, მხოლოდ ფორმატი (თაბახის სიერცე) უფრო დიდი ექნება. ჟურნალი „ივერია“ კი გამოვა სამს თვეში ერთხელ სიერცით თორმეტი დიდი თაბახი.

გაზეთის შესაფერ სტატიებს შესახებ შინაურის მიმოხილვისა და პოლიტიკისა, მართა „დროებაში“ მიეცემა ადგილი; ხოლო უფრო ვრცელს სტატიებს რომელსამე განსაკუთრებულს საგანზედ, პოლიტიკისა და შინაურის საქმეების შესახებ, ექნებათ ადგილი ჟურნალს „ივერიაში“. ამის გამო მომავლის წლის დამ ჟურნალი „ივერია“ უფრო იმ გვარს წიგნებს დაემსგავსება, რომელთაც რუსები „სბორნიკს“ ეძახიან, ვიდრე დრო-გამოშვების გამოცემას; განსაკუთრებული ყურადღება რედაქციისა იქნება მიქცეული მასზედ, რომ „ივერია“ ადვილი საკითხავი, კარგი გასართობი და თან სასარგებლო წიგნიც იყოს, და ამისთვის უფრო ვრცელი ადგილი ეჭირება რომანებს, მოთხრობებს, ლექსებს როგორც თარგმნილებს, ისე პირ-და-პირ ჩვენს ენაზე დაწერილებს, და აგრეთვე ძველს ჩვენს მოთხრობებსაც, რომელნიც იმ სახით დაიბეჭდებიან, რომ მერე ცალ-ცალკე წიგნად შეიკრებოდეს.

ამ შეერთების შრომისა და ღონის წყალობით, „დროება“-„ივერიის“ რედაქციას იმედი აქვს, რომ შემდგომი თავის მოვალეობას მკითხველოა წინაშე უფრო უკეთ შეასრულებ, რადგან ამ საქმეში ჩვენთა უკეთესთა მწერალთა აღუთქვებს იმას თავისი შემწეობა და თანაგრძნობა.

ხელის-მოწერა

მიიღება თფილისში: „დროების“ რედაქციაში, სოლოლაკზე, ბაღის (სადოვის) ქუჩაზე, ბ. შადინოვის სახლში, № 33.

ძალაქს გარეშე მცხოვრებთა ამ ადრესით უნდა გამოგზავნონ მოთხოვნისა: Въ Тифлисъ. Въ редакцію „ДРОЗДА“-„ИВЕРІИ“.

ვასი

		წელიწადში. 6 თვეს. 3 თვეს.
„დროება“ და „ივერია“	— ერთად	— 13 მან. — 7 მან. — 4 მან.
ცალკე:	„დროება“	— 9 „ — 5 „ — 3 „
	„ივერია“	— 6 „ — 4 „ — 2 „
ცალკე ნომერი „დროებისა“	ელირება	— 5 კაპეიკი.
—	„ივერიისა“	— 2 მანეთი.

სხვა ვადებით ხელის-მოწერა არ მიიღება. ხვედრი ფული ხელის-მოწერა ჟურნალ-გაზეთის დაბარებისა-თანავე უნდა გამოგზავნოს რედაქციაში.

რედაქტორები „დროება“-„ივერიისა“ } თ. ილ. ჯავახიანი. სარ. მუსხი.

გამომცემელი „დროებისა“ — სტ. მელიქიშვილი
გამომცემელი „ივერიისა“ — თ. ილ. ჯავახიანი

ტელეგრაფები

(ხალხთა-შორის ტელეგრაფის სააგენტოსი)

კატერბურლი, 20 ნოემბერს. პეტერბურლის დროებით ღენერალ-ლუბერნატორმა მიიღო მხედველობაში, რომ აზნაური მირსკი და პრაპორსნიკი ტარხოვი სრულ-წლოვანი არ არიან და ამას გარდა რომ ამათ გამოაცხადეს სინანული, და, უმაღლესად მინიჭებულის უფლებით; შეუმსუბუქა ამათ სასჯელი: მირსკის ჩამოერთვას ყოველი ღირსება და სამუდამოთ გაიგზავნოს კატარღაში, ტარხოვსაც ჩამოერთვას ყოველი ღირსება და დამწყვედელი იქმნეს ციხეში ათი წლის ვადით.

მოსკოვი, 21 ნოემბერს. აი ნამპოზი ერთის პირისა, რომელიც ლალუმით აფეთქილს მატარებელზედ იჯდა:

17 ნოემბერს, მარშრუტის თანახმად, ხელმწიფე იმპერატორი შუალამზე უნდა წასულიყო რკინის გზით სიმფეროპოლიდამ; ნახევარის საათის წინათ უნდა წასულიყო სხვა პოეზდი, რომელზედაც უნდა მჯდარიყვნენ ხელმწიფის ამაღლა და მოსამსახურეები. ბენდიერის შემთხვევით, ხელმწიფე იმპერატორის პოეზდი დანიშნულს დროზე ადრე მოვიდა სიმფეროპოლში; ამის გამო ამ ქალაქი-დამ ჯერ ხელმწიფის პოეზდი გავიდა ნახევარ საათით ადრე, და მერე იმის ამხლისა და მოსამსახურეებისა. როდესაც ეს უკანასკნელი პოეზდი მოსკოვს მოუახლოვდა ორ ეერს ნახევარზე, უეცრად საშინელი ხმაურობა მოისმა; ვაგონები გადაყარ-გადმოყარა რელსებიდამ, ზოგი ყირაზე დააყენა და როცა გამოვბით ვაგონი-დამ, მხოლოდ მაშინ შეენიშნეთ, რომ ეს მოხდა ლალუმის აფეთქებისაგან, რომელსაც ერთ ალაგას დიდ მანძილზე გაეთხარა ღრმით მიწა.

იმ წამსვე მოცივდა პოლიცია და ხალხი. შეეღას ის ეხაროდა, რომ ხელმწიფის პოეზდმა ადრე გაიარა და გადაჩა ამ უბედურებას. ტელეგრაფის სვეტებიც წაქცეული იყო და ამის გამო



იქილამ ღვპეშის გამოგზავნა ვერ მოვახერხებთ.

მაგონებში მყოფი ხალხი ყველა მშვიდობით გადარჩა, მხოლოდ შემინებული იყვნენ. ცხადია, იმი ბოროტ სულებს ეგონათ, რომ ხელმწიფე ამ მეორე პოეზლით მობრძანდებოდა.

ლამის მეორე საათზე პროკურორი და გამომძიებელი მოვიდნენ. ლალუმის მილი იქვე ახლო სახლიდამ იყო გამოყვანილი; დათვალა ირის ის სახლი, არავინ არ იყო. მხოლოდ ნახეს მათული, რომელიც ქვემო ეტაჟში მიდიოდა, სადაც ასაფეთქი ბატარეა იყო გამართული; აქედამ კარგათ ჩანს, როდესაც გზაზე ვაგონები გაიარს.

ზამოძიებამ აღმოაჩინა, რომ ეს სახლი ნიკენისთვეში ერთ ვილაც ახალგაზდა კაცს უყიდნია, რომელიც ამბობდა, რომ გვარად სამარსკი ვარა. იმ აღგლიდამ რელსებამდინ 22 საჟენი მილი არის, სამ საჟენ სიღრმეზე, გაყვანილი. თვითონ ამ სახლში ნახეს ძველი მებელი, რამდენიმე ხელი ტანისამოსი; შპალერს ქვეშ მათულებია გაყვანილი. მტყობა რამდენიმე კაცი ყოფილა ამ საქმის მომხდენნი. იმედი აქვთ, ამ ბოროტ-მომქმედ პირებს მონახვენ, რადგან მუზობლები ამბობენ, რომ სახეზე ვიცნობთო.

შაბუღი, 19 ნოემბერს. მიცე-კოროლის განკარგულებით, შიშირი შაბუღიდამ გაგზავნეს დღეს პეშეგარში.

სტამბოლი, 20 ნოემბერს. მსმალთებმა 12 ქრისტეშობისთვეს უნდა ჩააბარონ ზუსინიე ჩერნეგოარიელებს. მუხთარ-ფაშა პრიზრენდში მივიდა.

პეტერბურლის ბირჟა, 19 ნოემბერს.

(ხაღხთა-შორის ტელეგრაფის სააგენტოსი)

ბანკის ბილეთები:	მან. კაპ.
პირველი გამოცემა	— 94—25
მეორე	— 93—
მესამე	— 94—37
მეოთხე	— 94—12
აღმოსავლეთის პირ.	— 90—75
აღმოსავლეთის მეორე	— 90—75
აღმოსავლეთის მესამე	— —
რუსეთის იმპერიალი	— 7—83
გირაოს ფურცელი	— —
შინაგანი 5%; სესხის ბილეთები	— —

პირველი სესხის	— 232—25
მეორე სესხის	— 226—25

1 მანეთი ღირს:
ლონდონი — 25—20 ჰენსი

ზამბურლი	— — 214—	„ ცენტი
პარიჟი	— — 265—25	სანტიმი
ვენა	— — 127—25	ჰენიგი
ბავკასიის კერასინი	— — —	—

საქართველო

დღიური

* როგორც ჩვენს გაზეთშიაც იყო ამას წინათ გამოცხადებული, თფილისი-დამ ბაქომდინ რკინის გზის გაკეთება მიენდო შოთი-თფილისის რკინის გზის კამპანიას, რომელსაც ამისგამო დაერქვა სახელად „ბავკასიის აქეთა მხრის რკინის გზის საზოგადოება“. თფილისი-დამ ბაქომდინ რკინის გზის გასაყვანად 34,000,000 მანეთი არის დანიშნული.

* რუსულს გაზეთებში იწერებია, უმაღლესს მთავრობას განზრახვა აქვსო რომ მომავლის 1880 წლის 1 იანვრიდამ უბრალო დაბეჭდილი წიგნის გაგზავნის ფასი, 7 კაპეიკის მაგივრად, 6 კაპეიკი დანიშნოსო.

* ჩვენ მივიღეთ გაზეთში დასაბეჭდად შემდეგი შენიშვნა ზაქათალიდამა: „დროების“ № 231-ში წაყიკითხე მუთაისი-დამ მოწერილი კორრესპონდენცია იქაურს სატუსალა-საპრობილის შენობაზედ. ზოგიც ზაქათალის სატუსალა უნდა ნახოს იმ უფ. მუთაისის კორრესპონდენტმა, რომ დაავიწყდეს ყველა.

„არასფერს არ უყურებენ და ტყვილათ ფულებს კი იღებენ რემონტისათვის ყოველ წლივ.

„ამ ჩვენს საპრობილემში არასფერისაგან არასფერი არა არის-რა საფუძელიანი. სულ დიშალი, გაფუჭებული და გაოხრებულია; აკოშკები არ იხურება, მიწის პოლი ისეთია, რომ კაცმა თუ სიფრთხილით არ გაიარა, კისერს მოიტეხს, კარები დამტყრეული და დამშალი; ტახტები, რომელზედაც ტუსალები წვანან, ძლივს ფეხზედ დგას, აქა-იქ არა აქვს ფიცრები; სატუსალოს ოთახებში ყოველ მხრივ უბერავს ქარი, სიცივისაგან იხოცებიან საწყალი ტუსალები.

„ამ საქმეზედ, ე. ი. გაკეთებაზედ, ბევრჯელ იყო შედგენილი აქტი კომისიისაგან, მაგრამ ვერა გავარდეს-რა.

თეატრი

ქართული წარმოდგენა
21 ნოემბერს

ამოთხმბათს ჩვენმა სამუდამო ტრუპამ წარმოადგინა თ. ლ. პრისთისაგან

ორი ახლად გადმოკეთებული კომედიის: ორ მოქმედებიანი „საძაგელი“ და სამ მოქმედებიანი „ძეთილი და უმანკო ანგელოზი“.


„საძაგელი“ ამას წინათაც იყო ერთხელ წარმოდგენილი. საფაროვისა და ბაბუნას ქალებმა და უფ. ძ. მესხმა იმ პირველ თამაშობისთვისაც საკმაო ტაშის-კერა და ბრავოს ყვირილი მიიღეს მაყურებლებისაგან და ახლაც კიდევ უფრო მომეტებული; მაშინაც ღირსნი იყვნენ და ახლაც.

საფაროვის ქალს თითქო ცოტათი სიმკვირცხლე, სიცხოველე აკლია ამ როლში; მაგრამ ეს გვეჩვენება მხოლოდ იმიტომ, რომ ბაბოს როლში ჩვენ გვინახავს რუსულ სცენაზე აღექსევის ქალი, რომელსაც ამისთანა ხასიათის როლების აღსრულებაში, მგონია, დედამიწაზე ვერავინ ვერ შეედრება.

უფ. ძ. მესხი „საძაგელში“, როგორც მოგვხსენებათ, გიმნაზისტს თამაშობს; იმას თითქო უნდოდა ისეთი გიმნაზისტი წარმოდგინა ჩვენთვის, რომელიც ლათინურისა და ბერძნულის სწავლით სრულიად გამოტყინებულია, არაფრის არა ესმის-რა, მხოლოდ ძილი ახსოვს და ნატრულობს იმ დროს, როცა სწავლას თავს დაანებებს. პუბლიკას ძალიან მოეწონა, როდესაც უფ. ძ. მესხმა თავის როლში ჩაუმატა; რომ „ქართულ ტრუპაში“ შევალ აქტიორათაო, მაგრამ უბედურება ეს არისო, რომ თვეში ცხრა მანეთისა და სამ აბაზ უზალთუნის მეტს ჯამავირს არ მადლევნო; ჩვეისსორი ამბობსო, რომ მეტის მოცემა არ შეგვიძლიანო, მაღალი საზოგადოება, ჩვენი არისტოკრატები არ დაიარებიანო, ისინი ბალებს, პიკნიკებისათვის და კარტში თითო ღამეს სამას-ოთხას მანეთს დახარჯავენო, მაგრამ ქართულ თეატრისათვის კი სამი მანეთი „შურთო“ და სხვა ლევანის, ახალგაზდა მოაზრების როლს თამაშობდა უფ. ვ. აბაშიძე. თუმცა ცდილობდა, რომ სული ჩაედგა ამ როლში, გამოეყვანა რამე, მაგრამ ერთის მხრით როლის უცოდინარობა და მეორეს მხრით თვითონ როლის უფერულობა უშლიდა ხელს და ამნაირად ამ ნიჭიერ მოთამაშემაც ვერა მოახერხა.

„ძეთილი და უმანკო ანგელოზი“ ძალიან სასცენო და შნოიანი ჭარხია და არა კომედია; ქართულად ჩინებულად და მოხერხებულად არის თ. ლ. პრისთისაგან გადაკეთებული.

შმაფრესი როლი (მოხუცებული კაცის) ამ პიესაში ჰქონდა უფ. ვ. აბაშიძეს; მთელი კომიზმი იმაზედ არის დამყარებული, რომ ეს მოხუცებული



კაცი მოარზიყვა, „მტერია ლამაზი ქალებისა“ და ცდილობს, რომ რამე გარჩივას; მაგრამ იმის არზიყობილად „არა გამოდის-რა“, რადგან ყველა სასაცილოდ იგდებს და ყველას „კეთილ და უმანკო ანგელოზად“ მიაჩნია; მოხუცებული ჯაგრობს ამ მეტ სახელზე, თავის გულს ასკდება, მაგრამ მაინც „არა გამოდის-რა“.

ამ გვარ როლების თამაშობაში უფ. აბაშიძე გამოცდილი და დახელოვნებული მოთამაშეა; საუბედუროთ, გავლილ ოთხშაბათს იმას ძალიან უშლიდა როლის უცოდინარობა: მაყურებელს ეგონა, თითქო უფ. აბაშიძეს არც კი წაეკითხა თავის როლი, რადგან უსუფლიოროდ ხმას ვერ იღებდა; ეს დალოცვილი სუფლიორიც ერთობ ხმა-მალდა უსურჩილებდა, ასე რომ ჯერ იმის სიტყვა ესმოდა პუბლიკას და მერე უფ. აბაშიძის გამეორება. რაღა თქმა უნდა, რომ ამან ერთობ მოაკლო ეჭვქტი უფ. აბაშიძის ჩინებულ თამაშსა. სოდვა კია, მე და ჩემმა ღმერთმა, რომ ამისთანა ნიჭიერი აქტიორი არ გულ-ავარდნით ეკიდებოდეს თავის საქმეს; ამ ნიჭთან რომ უფ. მ. აბაშიძეს შესაფერი მეცადინეობა და მუყაითობა ჰქონდეს; მეტი არა უნდა-რა...

ზაბუნის ქალმა, საფაროვისამ, ძ. მესხმა და სხვებმა ყველამ იმდენათ ცოცხლად და მარჯვედ წარმოადგინეს თავის როლები, რომ საზოგადო შთაბეჭდილება პიესამ ბოლოს მაინც ძლიერ სასიამოვნო დასტოვა მაყურებლებში; და არა გვეგონია, რომ იმ საკმაოდ დიდს საზოგადოებაში, რომელსაც ამ ჭალამოს დაესწრო ქართულ წარმოდგენაზე, ერთიც ვინმე გამოჩნდეს ისეთი, რომელსაც შეეძლოს თქმა, რომ ტყუილუბრალოთ დავკარგე ბილეთის ფული, ესტეტიკური სიამოვნება არ მიმიღიაო...

სამართალი

ტატო წულუკიძის საქმე

ძაკასიის სამხედრო ოლქის სასამართლოში *)
სხდომა 19 ნოემბერს.
მინისტრ ქვეყნის (შეგარძელება)

სხდომა გაიხსნა ათ საათზე. ზალა საესეა.
ტატო წულუკიძის ადვოკატი უფ. ნესტეროვი: ორი დღეა ირჩევა ამ სასამართლოში ეს საქმე. ჩემის ჰზრით, გამოძიება წულუკიძის და მისი ამხანა-

*) „დროება“ №№ 240, 241 და 242.

გების სასარგებლოთ არის. პროკურორი კი ამტკიცებს, ამ გამოძიებლად გამოდისო, რომ ისენი დამნაშავენი არიანო. მნახოთ რამდენათ მართალია ეს.

ადეიწყით წულუკიძის წინააღმდეგ მოწმობილად:

ტიმოფეევა აჩვენა: მე ბველესიანმა იმითომ გამანდო მისი საიდუმლო, რომ რჩევა დამეკითხაო. რათ უნდოდა ბველესიანს ტიმოფეევის რჩევა? მის მოუვიდა ფიქრში, რომ ბორის სატუსალოში ტერ-თამაზოვის გამცარცველები სხედან? ან კი ტიმოფეევის რა რჩევის მიცემა შეეძლო ტატო წულუკიძისა და მისი დოსტებისთვის? მს ჩვენება არ არის ჭკუაში მისაღები, ე. ი, არის ტყუილი.

ხოსროვეი პირდაპირ ამბობს დამნაშავე სატურიძე არისო. ამ სატურიძემ გამოაჩინა ის დუქანი, საცა საათი იყო. ბანა ძნელია მიაგნოს კაცმა იმ ადგილს, საცა რამდენიმე ხნის წინათ შეინახა ასეთი გზით მოპოებული საშიში საათი? ბანა არ შეიძლება ვიფიქროთ, რომ თითონ სატურიძემ ჩაფლა ეს საათი ამ დუქანში, და თითონვე სატურიძემვე ალადგინა მკედრეთით?

ამის შემდეგ ადვოკატი გადადის იმის მსჯელობაზე, რომ სიკვდილით დასჯას უნდა არ უნდა არსებობდეს, რადგანაც საზოგადოებისათვის სრულებით არ არის გამოსადეგი. ამის დასამტკიცებლათ იმან მოიხმარა ევროპიული სწავლულები და ფილოსოფოსები: ბენ ტამი, სპინოზა, ბეკკელი, ბოკლი და სხ. სთქვა რომ თუ საზოგადოებამ გიყებისა და შეშლილგებისთვის მოიგონა წამალი (გიყების სახელი), რატომ ამნაირ ბაროტ-მოქმედთათვის არა სძებნის ამ ნაირსავე წამალს. ტყუილათ ფიქრობენ, რომ ვინმე შეაშინოს ამნაირ სასჯელმა. ინგლისში ყველაზე უფრო ქურდობა მაშინ იყო გავრცელებული, როდესაც ხალხი შეიკრიბებოდა საღრჩობელაზე...

თავს მჯდომარე. ბთხოვეთ წულუკიძეზე ილაპარაკოთ.

ადვოკატი... იუხანცევა (ერთი რუსეთის ბანკი გაქურდა) ათასი ოჯახის პატრონი დაღუპა, ის ტკებოდა პეტერბურგის ცხოვრებით და სიკვდილსაც გადურჩა; ტატო წულუკიძემ ეთქვათ მოიპარა ერთი უბრალო ვერცხლის საათი, ერთი ქამარი და 14 მანეთი ფული, მერე პეტერბურგის ცხოვრების ნაცვლად ის ტყე-ტყე დაძვრებოდა საქართველოს მთა-ბარში და ამისთვის საზოგადოებამ უნდა სიკვდილით დასაჯოს ეს კაცი? პაცი მოკლო, იტყვიან. ბანა ის დაეცა ვისმეს ამ საქმეში და წინ-გაზრახვით მოკლა ვინმე? იმას მოსდევდნენ დასა-


ქერათ, ე. ი. სასიკვდილოდ დაქვეყნეს სიკვდილი არჩია თავის სიკვდილს, იმას არ შეეძლო სხვა ნაირათ ქცევა.

წულუკიძის მოწმეების ცხადათ გვიმტკიცებენ, რომ წულუკიძეს 20 დეკემბერს 1877 წელს არ შეეძლო თფილისში გაეცარცვა ტერ-თამაზოვი, რადგანაც ამ დროს წულუკიძე ძაკავში იყო. პროკურორი ამბობს, რომ ეს შაზაროვისი ჩვენება არისსო. შარავეი ყალბი ბილეთების კეთებაში არის დაჭერილიო და მისი ჩვენება მისაღები არ არისო. მს კარგი, თუ გინდა, მაგრამ სატურიძე და ტიმოფეევი ვინდა იყვნენ? ბანა ისინი არ არიან ტუსაღები და დამნაშავეები? მაშ ნურც მავათ ჩვენებას ათხოვებენ ყურს. ამბობენ, რომ წულუკიძე დანდუროვმა იცნო და აჩვენაო, რომ ვითომ იმას მიეყიდოს ეს საათი. ჯერ ერთი, რომ დანდუროვი, როგორც მედუქნე, არ გასცემდა პირ-და-პირ დამნაშავეს (სატურიძეს) და მეორედ განა შეეძლო დანდუროვს ეცნო წულუკიძე? მართი რომ, როცა საათი მიუყიდნათ დანდუროვისათვის იყო ღამე და დუქანი კარგათ არ იყო განათებული და მეორე, როცა თითქმის ერთი წლის შემდეგ დაანახეს წულუკიძე დანდუროვს წულუკიძე ავთამყოფობისაგან ისე იყო შეწუხებული და გამოცვლილი, რომ თითონ ხოსროვემაც, რომელსაც ხშირად უნახავს, ვერ იცნო. დანდუროვს მით უმეტეს არ უნდა ეცნო ის. ამნაირათ მთელს საქმეში არ მოიპოება არც ერთი საბუთი იმის ცხადათ დასამტკიცებლად რომ ტატო წულუკიძეს მიეღოს მონაწილეობა ტერ-თამაზოვის გაცარცვაში. დარწმუნებული ვარ, რომ მსაჯულები მიიღებენ ამას ყურადღებაში და გამართლებენ წულუკიძეს.

უსხო ქვეყნები

ოსმალეთი

ლონდონის გაზეთს „თაიმსში“ დაბეჭდილია შემდეგი ტელეგრამმა 7 ნოემბერ გამოგზანილი სტამბოლილად: სულთანმა გუშინ მოაწერა ხელი ირადეს (ბრძანებას), რომლის ძალითაც ბეკკერ-ფაშა ინიშნება მცირე აზიის ყანდარმის ჯარის უფროსად. ხვალ ბეკკერ-ფაშა მიდის ტრაპიზონისაკენ; ცოტა ხანის შემდეგ ისევე უკან უნდა დაბრუნდეს და მაშინ წარუდგენს ხონტაქარს თავის პროექტს იმის თაობაზედ—თუ



ინმაროს მსმალოს მმართველობამ მცირე აზიაში მშვიდობიანობისა და წესიერების დასაცველად.

—სტამბოლიდამ იწერებინ, რომ ახლანდელი მსმალოს სამინისტრო ორპარტიან არის განაწილებული, ერთი პარტია, რომლისაც მოთავე არის სამხედრო მინისტერი მსმან-ფაშა, ცდილობს რუსეთისა და მსმალეთის მეგობრობით დაკავშირებას; მეორე ბანაკის მინისტრები კი ინგლისის მომხრეებად ითვლებიან. ამბობენ, რუსეთის მომხრეებს მსმან-ფაშა უნდა გადაგზავნონ რუსეთის იმპერატორთან იმ განზრახვით, რომ მეგობრული კავშირით შეეკრას მსმალეთთან, მაგრამ მას შემდგომ, რაც ლეიარდმა შეაშინა მსმალეთი თავის სამხედრო ხომალდებით ამ კავშირის საქმე რუსეთსა და მსმალეთს შუა ჩაიფარცხა.

—სტამბოლში დაუტუსადებიათ ამ დღეებში 20 აფიცური თსმალოს ჯარისა, რომელთაც მონაწილეობის მიღებას აბრალდებენ სონთქრის მოკვლის შეთქმულობაში.

საზრანბათი

„ჰავასის სააგენტოში“ დაბეჭდილია რომ მინისტრების კრებაში, რომელიც ნოემბრის დამდეგს ყოფილა, სამინისტროს თავმჯდომარემ მადინგტონმა გამოაცხადა, რომ „მართალია, აღმოსავლეთის საქმეების თაობაზე ამ წამად მეროპაში დიდი აყალ-მაყალი და უკმაყოფილება არის ამტყდარიო, მაგრამ საქმე, იმედია, იქამდინ არ მივა, რომ ამ არეულობას ომი და სისხლის-ღვრა მოჰყვესო.“

ბანსხალბანი აღმოკატი

მლოდიმირ მლოდისლოვის ძე მარცინ კვეიჩი გადავიდა აივანოვსის სახლში სომხის ბაზარში, შრანგების ეკლესიის პირ-და-პირ, იმავე სახლებში, რომელშიაც იმყოფება აივანოვის აფთიაქი. (6-3)

ქალაქის გაგებობისაგან თფილისის ქალაქის გაგებობა (შპრავა) ამით აცნობებს თფილისის 1 და 2 გილდიის ვაჭრებსა, რომ, თანახმად ქალაქის რჩევის 1879 წლის 5 ნოემბრის გარდაწყვეტილებისა, ამათ ქალაქის ხაზინის სასარგებლოდ დანიშნული გილდიის მოწმობის ფული უნდა წარადგინონ ვაჭრების შპრავის (ტუპენესკის შპრავის) სადგომში (სომხის ბაზარი, დიდი ტალახიანი ქუჩა, ისტამბოლის სახლი).

ქუთაისის

საადგილ-გაგულო ბანკისაგან

ქუთაისის თავად-აზნაურის საადგილ-გაგულო ბანკის სამმართველო აცხადებს, რომ, ამ ბანკის წესდების მე-17 § ძალით, ინიშნება საზოგადო ვაჭრობით გასასყიდლად ხსენებულ ბანკში დაგირავებული უძრავი მამული უ. ზედგინიძისა, წესდებისამებრ შემოსატანთა ფულთა მის მიერ გადაუხდელობისა გამო.

ვაჭრობა მოისპობა მხოლოდ მაშინ, თუ უ. ზედგინიძემ, იმავე წესდების მე-19 §-ისამებრ შემოიტანა უკლისად ბანკის ხვედრი გადასახადი და აგრეთვე განცხადების ხარჯები.

ბვარი, სახელი, მამის სახელი და წოდება.	რა-გვარი მამულია.	სად მდებარეობს მამული.
ზედგინიძე, ივანე იოსების ძე, ნაღვარნი სოვეტნიკი.	მრ - სართულიანი ქვით - კირის სახლი, 100 ოთხ-კუთხი საყენი ეზოთ.	ქუთაისს, მის აილოვის ქუჩაზედ. (1-1)

ქალაქის გაგებობისაგან

თფილისის ქალაქის გაგებობა ამით აცხადებს, რომ იმის თან-დასწრებით იქნება პირველი და უკანასკნელი ვაჭრობა (უპერეტორქკოთ) შემდეგს საგნებზედ; 1). 24 ნოემბერს 1879 წელსა იქნება ვაჭრობა ბელაბარში მდებარე საქალაქო მიწისა, სივრცით 1890 დესიატინის, და მეორე მიწის, სივრცით 237 დესიატინის, არენდით გაცემაზედ მომავალს 1880 წლის 1 იანვრიდამ ვიდრე 1883 წლის 1 იანვრამდე.

2). 7 დეკემბერს ამა 1879 წელს იქნება ვაჭრობა იჯარით გაცემაზედ იმ შემოსავლის მოკრებისა, რომელიც ქალაქსა აქვს მტკვრით მოტანილი იმ ტიფებისაგან, რომელიც ქალაქის კუთვნილ ნაპირებზედ ჩერდებიან. მადა ამ იჯარისა ითვლება მომავალი 1880 წლის 26 იანვრიდამ 1883 წლის 1 იანვრამდინ.

3). 7 დეკემბერს ამა 1879 წელსა იქნება ვაჭრობა იჯარით მიცემაზედ იმ ნაღვისა, რომელიც ქალაქის ნავსადგურთან არის ვერაზე. მადა ამ იჯარისა ითვლება ამ 1880 წლის 26 იანვრიდამ ვიდრე 1883 წლის 1 იანვრამდინ.

4). 4 დეკემბერს ამა 1879 წლისა იქნება ვაჭრობა იმ ხარჯის იჯარით გაცემაზედ, რომელსაც ქალაქში მომუშავე ფაეტონები, ღროქები, პოვოზები და სხვ. (იზვოზნი პრომისელ) იხდიან ქალაქის ხაზინის სასარგებლოდ. მადა ითვლება ამ 1880 წლის 1 იანვრიდამ 1883 წლის 1 იანვრამდინ.

5). 1 დეკემბერს ამა 1879 წლისა იქნება ვაჭრობა ცხენის ხარჯის იჯარით გაცემაზედ. მადა 1880 წლის 1 იანვრიდამ ვიდრე 1883 წლის 1 იანვრამდინ.

6). 5 დეკემბერს ამა 1879 წლისა იქნება ვაჭრობა ქალაქის სასწორისა და საწყაოებისა და საწყაობის შემოსავლის იჯარით გაცემაზედ. მადა ითვლება 1880 წლის 26 იანვრიდამ ვიდრე 1883 წლის 1 იანვრამდინ.

შველა ამ იჯარებისა და არენდების პირობების (კანდიციების) ნახვა და გაცნობა მსურველთა შეუძლიანთ ქალაქის გამგეობის (შპრავის) კანცელარიაში მუდამ დღე, უქმ დღეებს გარდა, დილის 10 საათიდან ვიდრე ნაშუადღევის 2 საათამდინ. (13-5)

თფილისის თავად-აზნაურთა საადგილ-გაგულო ბანკის

ზედამხელველი კომიტეტისაგან

ზედამხელველი კომიტეტი თფილისის გუბერნიის თავად-აზნაურთა საადგილ-მამულო ბანკისა, ამა ბანკის წესდების მე-83 § ძალით, მოიწვევს ბანკის მმართველ-დამფუძნებლებს უჩვეულმარხვო საზოგადო კრებისათვის, რომელიც იქნება ამა წლის 25 ნოემბერს ბანკის სადგომში:

ბანსახილველი საგნები:

ბანკის წესდებაში შეტანა ურთი-ერთ პასუხის-გებისა იმ მამულებისა, რომელიც შემდგენს გირაოდ შემოიტანებიან ბანკში, და ამის-და-გვარად შეცვლა ბანკის წესდების ზოგიერთ მუხლებისა.

(8-7)